

TEZAUUR LITURGIC
25 IANUARIE

SLUJBA
SF. IERARH-MUCENIC
PETRU
ZVEREV,
ARHIEPISCOPUL
VORONEJULUI



MINEIUL PE IANUARIE
MOSCOVA



Мѣсяца января в 25-й день Священномученика Петра, архиепископа Воронежскаго

НА ВЕЛИЦЕЙ ВЕЧЕРНИ

Блажен муж: 1-й антифон. На Господи, возвах:
стихиры на 8, глас 4:

Приидите, хвалу воздадим Господеву Богу
нашему, / память святителя Его прославляюще, /
служителя верна, пастыря непорочна, / исповедника и
мученика Христова тверда: / той бо, слово Господне
соблюд, / вся до конца претерпе / и Церкви Русстей
похвала и слава явися. / Егоже мощи святых
лобызающе, / молитву к нему простираем: / огради
нас, священномучениче Петре, заступлением твоим //
и испроси нам у Господа велию милость.

От младенства познав Христа, богоблаженне, /
волю свою Тому предаде, / на камени заповедей Его
вся созидае: / темже камень веры Христовы во дни
гонений явился еси, / первоверховному апостолу
Господню подобообразен быв. / Молися, архиерею
Божий, не оскудеши вере нашей // и Православию
сохранитися в земли нашей.

Защитителю Церкви Православныя, / народа
русскаго, скорбьми обуреваемого, утешителю, / в час

лю́тых испыта́ний твёрдо Христа́ испове́дал еси́, /
священномучениче сла́вне Пётре, / заступи́ и ны́не
сродники́ тво́я / тёплою твоёю к Бо́гу моли́твою, /
уте́ши стражда́юща ду́ши на́ша // и от ра́спрей и
раско́лов Це́рковь Ру́сскую благонаде́жно огради́.

И́ны стихи́ры, глас 5:

Божество́нней служ́бе зело́ прилежа́,
священноде́йствителю, / со благоговéнием вéлиим
Престо́лу Господню́ предсто́ял еси́, / о всем ми́ре
же́ртву благоприятну́ Бо́гу принося́, / и моли́твою
твоёю благомо́щною укротити́ пре́щение Бо́жие
умоля́л еси́, // на ми́лость к па́дшим создáнием
Господа́ приклоня́я.

Па́стырь до́брый яви́лся еси́, о́тче Пётре, / на
па́жити добродéтелей евангелскихъ воспитова́я па́ству
свою́ / и глаго́лом Божество́нным ра́достно внима́я, / о
ко́емждо овча́ти ду́шею болéзновал еси́. / Испроси́ у
Господа́, моли́твенниче боголюбе́зне, / Оте́честву
на́шему мир и благоде́нствие, / вёрным лю́дем на
враги́ ви́димыя и неви́димыя одоле́ние, // и ду́шам
на́шим спасéние.

В ми́ре ско́рбни бу́дете, рече́ Господь, /
предвозвеща́я ра́дость Небе́сную. / Си́е вои́стину на
тебе́ испо́лнися, священномучениче, / я́ко ско́рби
мно́гия о Господе́, / я́же претерпе́л еси́ в житии́
твоём, / в ра́дость вéчную ду́ши твоёй преложи́шася. /

Испроси́, страстотерпче, и нам/ силу́ вся за Христа претерпéти, // и спасéние душáм стяжáти.

Молитва пламенная сёрдцу твоему́ усвоися, досточудне, / силу́ и крёпость ти содева́ющи, / му́дрость дýху твоему́ и любовь Божéственную дару́ющи, / тёмже трудов изрядных дéлатель показáлся еси́, / и ны́не на Небесéх молéнием твоим // вся ко спасéнию благопотрéбная нам испроси́.

Сла́ва, глас 2:

Па́ству Воро́нежскую / от поругáния и разделéния ре́вносно храни́л еси́, святителю, / и Отéчеству твоему́ в годину лю́тую véрен до конца́ яви́лся еси́. / На вся́ком же мéсте служéния твоего́, досто́блаженне, / вся укрепля́л еси́ словесы́ вéчными проповéдания Христо́ва, / сёрдце исполнено́ любве́ лю́дем простира́я: / мно́зем бо градо́м и вéсем / святительство твоё ко утверждéнию во и́стине послужило́ есть. / Тёмже и ото́ком Соловёцким, кро́вию мучеников но́вых напоённым, / иде́же венéц мученический чудно́му жити́ю твоему́ сплетён бысть, // архипáстырь наречéся.

И ны́не, Богорóдичен: Прéйде сень зако́нная:

Вход. Прокимен дне. И чтéния 3 мученическая.

На литии стихи́ра хра́ма, и священномученика,

глас 7:

Проповѣдника изыщнаго / и священнотайнника
Христова пѣсньми восхвалим: / той бо, пѣснь воспевая
своему Владыце, / пламень сердца в поучениих
огненных изливалъ есть, / возжигая души верою / и
собирая стадо Божие, от неверныхъ расхищаемое. /
Тѣмже молитвою твоєю укрепи, святителю, / верныя,
соблазнами века сего смущаемыя, / и враги видимыя
и невидимыя прожени // силою Божественнаго Духа.

Осужденіе приѣмъ судомъ неправеднымъ и
беззаконнымъ, / в вышнихъ оправданіе обрѣлъ еси,
блаженне. / Дерзновеніе велие имѣя ко Владыце, /
оправданіемъ Господнимъ научи ны, избранниче
Христовъ, / да, во истинныхъ путѣхъ ходити тщащеся, //
Того благоутробиемъ всемилостивно оправдимся.

Слава, глас 1:

Исполненіе любви Христовы стяжалъ еси,
боголюбезне, / устнама праведными и сердцемъ
непорочнымъ Господа исповѣдуя, / право правилъ еси
слово истины, / силу вражью безстрашно сокрушая. /
Тѣмже на спасенія стези настави насъ, святителю, // и
в Царствіе Божіе премудре управи.

И ныне, Богородичен, глас тойже:

Небесныхъ чиновъ радование, / на земли человекъ
крѣпкое предстательство, / Пречистая Дѣво, / спаси
ны, иже к Тебѣ прибегающія: / яко на Тя упованіе по
Бозе, // Богородице, возложихом.

На стиховне стихиры, глас 1:

Вѣру Христову проповѣдуя, апостолом подобообразен был еси, / и чашу страданий, по словеси Господню, / якоже тии, даже до конца испивый, / венцем нетленным со оными увенчался еси, архипастырю, / и, достойно прием Небесную славу, // украшение Церкви Русския явился еси.

Стих: Священницы Твои облечутся в правду, // и преподобнии Твои возрадуются.

К высоте святительстей мученичества доброту приложил еси / и исповедничества красотою посреде тьмы неверия в земли нашей возсиял еси, / победивый силу вражью Именем Христа, смерти Победителя, / и себе не пощадил еси ради Живущаго во веки, / темже блаженства вечнаго от Того сподобился еси, // Петре достоблаженне.

Стих: Честна пред Господем // смерть преподобных Его.

О славе фаворстей незаходимей духом пламенья, / Голгофы Господни образ в сердце присно носил еси, страстотерпче, / в Голгофе Анзерстей кончину мученическую прияти сподобился еси, / еюже, спасительную жертву Христову проповедав, // Кровию Агнчею убелил еси ризы своя.

Сла́ва, глас 8:

Образ Христа́ воскресе́шаго/ пред очима́ души́ твоея́/ прісно имёл еси́, святителю,/ и глаго́лы испытующія́ Госпо́дни: любиши ли Мя,/ к первоверховному апосто́лу рече́нныя,/ в се́рдце твоём благоговейно храни́л еси́./ Си́ми словесы́ к подвиго́м ве́ры воздвиза́емь,/ ре́вностию ве́лиею по Бо́зе распаля́лся еси́,/ те́мже упаси́ ду́ши на́ша, па́стырю святы́й, о́тче Пе́тре,/ да не погубя́т нас хищныя стра́сти, // и от Го́спода да не отлуча́т во ве́ки.

И ны́не, Богоро́дичен: Безневе́стная Де́во:

Тропа́рь, глас 4:

Ве́рою пла́менною апосто́лу Петру́ подоби́ся,/ ра́достью страда́ния за Христа́ претерпе́ти изво́лил еси́,/ святителю́ о́тче Пе́тре,/ ка́меню твёрдый Цёркве Правосла́вныя,/ со испове́дники и страсотер́пцы ру́сскими во мра́це беззако́ний добродетельми сия́й,/ моли́ся с ни́ми о нас, // архиере́ю Бо́жий, священномучени́че пресла́вне.

НА УТРЕНИ

По 1-м стихосло́вии седа́лен, глас 3:

Егда́ Ца́рствие Бо́жие возвеща́л еси́ велегласно,/ проника́я вну́тренняя челове́ков о́гненными словесы́,/ в пла́мене души́ твоея́ ражда́ющимися,/ в Ду́се Свя́те и́стину Христо́ву лю́дем пропове́дал еси́, о́тче Пе́тре,/

се бо дар апостольскаго благовѣстия чудно в тебе явился.

Слава, и ныне, Богородичен, глас тойже:

Немолчная уста апостолом, / сила духовная святителем, / Маріе, Мати Божия, / всяцей души, труждающейся Богу, Предстательница Благодатная, / немоту нечувственных душ наших разреши, / благоуханием Божественнаго Духа исполняючи, / да от сердца избывающе молитвенными воздыханими, / устнама радости хвалу Господню возвещаем неустанно.

По 2-м стихословии седален, глас 8:

Душу свою не приял еси все, святителю, / николиже в беззакония рuce свой простирая, / свят житием твоим явился еси, преподобне, / тем и жертва твоя свята Богу бысть, / Иже от горы краниевы прием ю непорочну, / в гору Божественную Свою возведетя, / в приосененныя чащи Небесныя славы.

Слава, и ныне, Богородичен, глас тойже:

Печалей утоление, / скорбей отгнание явилася еси, Владычице Пречистая, / радости Небесныя неложное обетование, / печаль и скорбь земную святителя Петра навеки утолившая / и во область радости приснотекущая того приемшая. / Печали души моея всещедрою добротою Твоею утоли, молю Тя, /

наше́ствия творя́щих ей бо́лезнь изба́ви/ и от огня
вѣчнаго невреждѣнну сохрани́.

Велича́ние:

Велича́ем тя,/ священномучениче Пётре,/ и чтим
честна́я страда́ния твоя́,/ яже за Христа́// претерпѣл
еси́.

Псалом избранный:

Бог нам прибе́жище и си́ла.

Го́споди, воздвигни си́лу Твою́ и прииди́, во е́же
спасти́ нас.

Глаго́лах о свидѣ́ниях Твои́х пред ца́ри и не
стыдя́хся.

Вси язы́цы обыдо́ша мя и и́менем Госпо́дним
противля́хся им.

Тебе́ ра́ди умерщвля́емся весь день, вмени́хомся,
я́ко о́вцы заколе́ния.

Кре́пость моя́ и пѣ́ние моё́ Госпо́дь и бысть мне во
спасе́ние.

По полиеле́и седа́лен, глас 8:

Христа́ распя́таго еди́ным Го́сподем и Бо́гом
испове́дуя,/ во вну́тренних души́ твоея́ о́браз Его́
свято́ соблюда́л еси́, священномучениче Пётре,/ до
часá смёртнаго креста́ твоего́ не оставля́я,
страстоте́рпче,/ и я́ко а́гнец заколе́ния вмени́лся еси́,/
вся побежда́я си́лою Возлю́бльшаго тя./ Сего́ ра́ди

ото́ка А́нзерскаго освяще́ние и Це́ркве Ру́сския похва́ла вы́сокая яви́лся еси́.

Сла́ва, и ны́не, Богоро́дичен, глас то́йже:

Предста́тельница те́плая и Засту́пнице усер́дная, / в годи́ну безбо́жия от коне́чных поги́бели зе́млю Ру́сскую / всемо́щным ходата́йством к Сы́ну Твоему́ изба́вляшая, / и ны́не не оста́ви нас моли́твами Твои́ми, / Влады́чице Богоро́дице.

Степе́нна, 1-й антифо́н 4-го гласа. Прокі́мен, глас 4: Проидо́хом сквозе́ огонь и во́ду // и извёл еси́ ны в поко́й. Стих: Разже́гл ны еси́, я́коже разжиза́ется серебро́. Всякое дыха́ние: Ева́нгелие от Матфе́я, зача́ло 36.

По 50-м псалме́ стихи́ра, глас 6:

Из глублины́ зыва́л еси́ ко Го́споду, священномучени́че: / гото́во се́рдце мое́, Бо́же, гото́во се́рдце мое́, / по во́ли Твое́й сотвори́ со мно́ю. / Сего́ ра́ди благода́тию в тебе́ животворя́щею / не себе́ живя́ше, о́тче, но Влады́це и Творцу́ твоему́, / вся ко спасе́нию ста́да Христо́ва му́дрствуя и де́я. / Престо́лу сла́вы Бо́жия ны́не предсто́я, преподо́бне, / моли́ Боже́ственною ми́лостию избра́нных ча́сти нам сподо́битися // и мзду ве́рных восприя́ти в день пра́веднаго воздая́ния.

Канон священномученика, глас 4.

Песнь 1

Ирмос: Моря чермную пучину / невлажными
стопами / древний пешешествовав Израиль, /
крестообразными Моисеевыми руками // Амаликову
силу в пустыни победил есть.

Слово премудрости Господни испросивше, /
прославим по достоянию дивнаго в лице святых
Петра достоблаженнаго, / святителя, мученика же и
исповедника, / во дни гонения подвигом добрым
просиявшаго / и залог Христов до последнего
издыхания неврежденно сохранявшаго.

От юности благонравными родители твоими
благочестию научаемь, / образ Христов любовью в
сердце твоём носил еси, святе Петре, / также и,
добродетелем евангельским подражати тщася, / в
страхе Божии возрастал еси.

Чистым сердцем дары благодати во множестве
прием, / предызбрание твое от Бога оправдал еси,
святителю, / правостию же духа и деяний угодив
Избравшему тя, / воистину царское священство явился
еси.

Богородичен: Спаса и Избавителя во утробе
девственной вместившая, Животодавца Мати
Чистая; / к Тебе убо в молитвах прибегаем,
Богоизбранная Марие, / Твоим предстательством к
животу вечному управи нас, / во еже спастися нам.

Песнь 3

Ирмос: Веселится о Тебе Церковь Твоя, Христе,
зовущи: / Ты моя крепость, Господи, // и прибежище,
и утверждение.

Ревность Петрову по Бозе стяжав, святителю, /
соименник тому достославен явился еси / и, якоже
той, в ловитву спасения Божия человеки управлял
еси, / воспрещая силам вражиим, хотящим души
людския погубити.

Учитель духовный и начальник обителем
иноческим был еси, достоблаженне, / благочестию
истинному неленостне научая, / и, воины российские
во бранех милостивно утешая, / проповедник
ревностный Слова Божия явился еси, / питая души от
житницы Христовы.

Жезл святительский от десницы Тихона
Святейшаго, / Первопрестольника Российскаго и
исповедника славнаго, / достойно восприял еси,
блаженне Петре, / и, силою свыше оболкийся, нивы
Христовы делатель мудрый явился еси, / плод творя в
терпении и Творца, Господина жатвы, воспевая
немолчно.

Богородичен: Приклони благоутробие Царя
Небеснаго к нам, грешным, Пресвятая Дево, / и душ
наших худость обнови всесильною державою Твоею, /
тех стропотная покаянием исправляющи и

добродетельми исполняючи,/ да Царству Божію,
пришедшу в силе,/ уготовиши их неврежденны.

Седален, глас 2:

Веруяй в Мя, рече Господь, дела, яже аз творю, и
той сотворит./ Темже вера твоя велия, святителю
Петре, и слово, еже со властью/ многи заблудшия,
предания церковная отвергшия и ложными
нововожденными прельстившия/ в Церковь
Православную паки приведоша./ Сего ради вопиём
ти:/ молися Христу Богу прегрешений оставление
даровати/ празднующим любовию святую память
твою.

Слава, и ныне, Богородичен, глас тойже:

Блаженство истинныя веры являеши нам,
Богородице,/ Твоею благодатию веру нам приложи,
Пренепорочная,/ терпением снабдевающи,/ яко да
вся возмогше верою/ и тою упование спасения
имуще,/ услышим глас Небеснаго Владыки
глаголюща:/ вера ваша спасе вы.

Песнь 4

Ирмос: Вознесена Тя видевши Церковь на Кресте,/
Солнце Праведное,/ ста в чине своем,/ достойно
взывающи:// слава силе Твоей, Господи.

Во дни богоборений лютых яви Господь земли
Русстей верныя служители Своя,/ иже, страха вражия
не устранившисья,/ души своя за овцы словесныя

полага́ху,/ я́коже и Петро́, священнострада́лец
Соловѣцкый,/ Небѣсному Архиере́ю подобѣся.

Священномучениче́ досточѣстне, святи́телю
Моско́вскому Петро́ тезоимените́,/ ты, жезл
архипа́стырский приѣм,/ в вертогра́де Госпо́днем,
я́коже о́ный, усѣрдно потруди́лся еси́, сло́во истины
исправляя́,/ се бо исти́нен Зва́ый ты, Пребыва́й во
ве́ки.

Службу́ Божѣственную́ всею́ душо́ю возлюбив́,
досточу́дне,/ со ве́лиим тцѣ́нием сию́ благоговѣ́йне
соверша́л еси́/ и, ни еди́ному словеси́ слух се́рдца
своего́ затворя́я,/ псалмопѣ́нию любóвию навы́кл еси́.

Люде́м ве́рным ра́дость приноси́л еси́,/ и́же, с
тобо́ю вку́пе Бо́га славосло́вяще, утешѣ́ние в ско́рбех
обрета́ху./ Ты же, и в заточѣ́нии сый, с соу́зники
твоими́ жѣ́ртву благодарѣ́ния Бо́гу приноси́л еси́,/
престо́л живы́й Трапѣ́зы Госпо́дни собо́ю явля́я.

Богоро́дичен: Я́ко боговместимое́ Жили́ще, Та́йне
Совета́ Превѣ́чнаго послужи́ла еси́, Пречи́стая Де́во,/
Тобо́ю бо даде́ся нам Завета́ Но́ваго Подате́ль благ и
кро́ток,/ любóвию спаси́тельною зако́на сме́рти у́зы
разруши́вый.

Песнь 5

Ирмо́с: Ты, Го́споди мой,/ Свет в мир пришѣ́л еси́,/
Свет святы́й, обраща́й из мра́чна неведѣ́ния, //
ве́рою воспева́ющия Тя.

Духовным оком созерца́яй Го́спода воскреса́шаго / и
сердечным слухом внемля́й Божественным глаго́лом, /
сладо́стию любви́ Христо́вы исполня́лся еси́, о́тче
Пе́тре, / и па́ству твою́ му́дре упра́вил еси́.

К тебе́, стяжавшему Христа́ в се́рдцы своем, /
мно́жество взыску́ющих Его́, я́ко ко вмести́лищу
благодати́ Бо́жия, прихожда́ху / и утеше́ние в ско́рбех
во святы́ни любви́ твоея́ обрета́ху.

По́двиг ино́ческий всем се́рдцем возлюбив, / посту́
и моли́тве, терпе́нию и нестяжа́нию усер́дно прилежа́л
еси́, священномучени́че Пе́тре, / Вы́шним же
изволе́нием по́двиг ве́лий испове́дничества подъя́ем, /
мучени́чески жити́е твоё на о́тце А́нзерстем сконча́л
еси́.

Богоро́дичен: Богора́дованною душе́ю гла́су
Арха́нгельскому внемша́я / и ра́дость ми́ру Христа́
несказа́нно ро́ждшая, Богоро́дице Мари́е, / всех родо́в
весели́е яви́лася еси́, Влады́чице. / Простри́ над все́ми
земноро́дными Покро́в Твой держа́вный / и мене́
утеше́ния и ра́дования о Тебе́ сподо́би, Ма́ти Бо́жия, /
я́ко да ублажа́ю Тя.

Песнь 6`

Ирмо́с: Пожру́ Ти со гла́сом хваления́, Го́споди, /
Церко́вь вопи́ет Ти, / от бесо́вския кро́ве очи́щшися, /
ра́ди ми́лости от ребр Твои́х / исте́кшею Кро́вию.

Мно́гим уго́дником Бо́жиим собесе́дник бы́ти
сподо́бился еси́, Пе́тре: / ста́рцем оби́тели О́птинския

и Дивеевским старицам, / таже и великому пастырю
Кронштадтскому Иоанну, / ихже наставления и
молитвы / в подвиге крестном ты укрепляху.

Тьма, в нюже погрузися земля Русская
отступлением от Бога и веры ослаблением, / не
возможе объяти света Божия, во истинных Его
свещильницах горящаго. / Ты же, священномучениче
Петре, един от сих избранных, / учиненных во мраке
беззакония проповедати Христа на спасение многим.

Благодатию Божиею и величием духа твоего /
людей, во узилищах с тобою сущих, утешал еси,
присноблаженне, / и, немолчными устами Христа
проповедуя, / из глубины неведения их возводил еси /
и светом Истины просвещал еси.

Богородичен: Пресвятая Владычице, Мати Бога
нашего, / Свет живота нам всесветло возсиявшая, /
сподоби нас по слову Сына Твоего / мир и любовь
между собою имети / и научи печали наша на Господа
возлагати, / во еже спастися нам.

Кондак, глас 8:

Во святительстве твоём добре подвизался еси,
богомудре, / и мученичества венцем светло украсился
еси, / прещения врагов Христовых не устрашився, /
страданиями твоими отоки Соловецкия освятил еси, /
сего ради Силы Небесныя удивившася терпению
твоему, / мы же с верою и любовью притекаем ко
святым мощем твоим, досточудне. / Ныне со всеми

новомученики Церкви Русския/ моли о нас Христа
Бога, всеблаженне Петре, да зовем ти:/ Радуйся, отче
приснопамятне, // земли Воронежския в вере
утверждение.

Икос:

Совершен быв в ревности по Боже и любви
Божественней, святителю,/ благодатию дивная дела в
простоте и кротости сердечней совершал еси,/
служителю Господень истинен,/ и, подвиг
архипастырский со усердием исполняя,/ паству
Христову в Дусе Божии возвращал еси,/ силою же и
чистотою духа твоего вражиим силам противостав,/
свеща горящая во тьме безбожия явился еси,
богоизбранне отче,/ и за Христа и веру правую
гонения и муки претерпел еси./ Никкими же
скорбями от любви Божия отлучився,/ смерть Его
ради в приобретение себе вменил еси/ и, венец
нетленен от Христа Бога в Царствии Небеснем
восприем,/ священномученик и страстотерпец доблий
явился еси,/ Церкви Русския дивная похвало и
неувядаемая славо./ Молися о нас ко Господу,
всеблаженне Петре, да зовем ти:/ Радуйся, отче
приснопамятне,/ земли Воронежския в вере
утверждение.

Песнь 7

Ирмос: В пеци́ Авраамстии́ о́троцы персидстей,/
любовию́ благочестия́ па́че,/
нежели́ пла́менем
опаляеми, взыва́ху:// благословен еси́ в хра́ме сла́вы
Твоея́, Го́споди.

Велию́ любовь́ ко святителемъ Воронежскимъ
Митрофану, Тихону и Антонию имѣя,/
в мѣсте
пóдвиговъ святительства́ ихъ трудъ подъя́л еси́,
досто́блаженне Пётре,/
и гра́ду Воронежу́ ра́дость
вѣлию́ явилъ еси́,/
утвержде́ние и благода́тную по́мощь
подава́я.

В стѣнящемъ мори́ безбо́жия земли́ Русския,/
твёрдый отокъ благода́ти явилъ еси́, святителю
Пётре,/
иде́же бо мно́жится грехъ, та́мо и благода́ть
изобилует,/
излива́ющися ще́дро на спасѣ́ния
ча́ющих.

Ревностию́ о до́ме Го́сподни снѣдае́мъ,/
отсту́пникомъ, преданія́ церко́вная отверга́ющимъ/
и нововведе́ния лъсти́вая вводя́щимъ, противоста́л еси́,
о́тче Пётре,/
и, Предте́чевымъ гла́сомъ к покая́нию
заблуждши́я приводя́,/
мно́гия о́вцы во огра́ду
церко́вную возврати́л еси́.

Богородичен: Исто́чникъ любве́ Бо́жия/
испо́лни во
оскудева́ющихъ сердца́хъ на́шихъ, Благода́тная Мари́е,/
теплото́ю Ма́тернихъ Твои́хъ моли́тв согре́й хла́дность
моле́ний на́шихъ/
и до конца́ не оста́ви нас,/
в ми́ре

жити́е на́ше соблюда́ющи,/ и к Ца́рству Сы́на Твоего́
прему́дре нас уготовля́ющи.

Песнь 8

Ирмо́с: Ру́це распротёр Дани́ил,/ льво́в зия́ния в
ро́ве затче́,/ о́гненную же си́лу угаси́ша,/
добродéтелию препоя́савшеса́,/ благоче́стия рачи́тели
о́троцы взыва́юще:// благослови́те, вся дела́
Госпо́дня, Го́спода.

Мно́гажды искуше́ние темни́цею и у́зами прия́л
еси́,/ от беззаконник му́чимь бе болéзньми и гла́дом,
скорбьми́ и неправда́ми лю́тыми./ Оба́че стра́ха их не
устраши́лся еси́, страсотéрпче,/ и любо́вь твоя́ к Бо́гу
николи́же преста́,/ страда́ния же твоя́ ве́ре твое́й
утвержде́ние де́яху/ и му́ки безви́нныя да́ху души́
возвыше́ние.

Во святы́х о́тоцех Соловёцких верх подвиго́м
твои́м обрётеса́, священномучени́че,/ ты бо, зва́ние
архиере́йское благоговéйно храня́ и заточённых в
Бо́зе утвержда́я,/ архиепи́скоп Соловёцкий нарече́н
бысть ве́рными соу́зники твои́ми, Пётре,/ я́коже и
брат твой во Христе́, священномучени́к Иларио́н
богоблаже́нный.

Во удале́нии от па́сты твоея́ в заточе́нии ти
бы́вшу,/ востаю́щая на тя наве́ты вра́жия сокруша́л
еси́ молéнием приле́жным, любéзная же ча́да твоя́,
я́же отлуче́на от тебе́ телéсне, во еди́нем ду́се

совокуплена с тобою бяху/ и во истинных путех
Господних хождение присно творяху.

Троицен: Благословим Тя, Всесильне Господи, Боже
Вседержителю,/ Присносущне Отче,/ Слове Божий,
нас ради плоть приемый,/ и Душе Всесвятой
Животворящий,/ Троице Единосущная и
Нераздельная,/ воспеваем Тя со страхом и вопием:/
благословите, вся дела Господня, Господа.

Богородичен: Слово от начала бывшее,/ ко
спасению мира плоть прияло есть от Тебе,
Богоневесто,/ и дарова Духа разума в сердца наша,/
яко да, оправдание приемше от словес любви,/ во
избытке сердца изливающимися,/ глаголов
неизреченных слышателие приснии явимся,/ с
небесными лики воспеваяюще:/ благословите, вся дела
Господня, Господа.

Песнь 9

Ирмос: Камень нерукосечный/ от Несекомья
Горы, Тебе, Дево,/ краеугольный отсечеса, Христос,/
совокупивый разстоящая естества,/ тем,
веселящися,/ Тя, Богородице, величаем.

Всем житием Твоим верность Христу показав,/
сердце, любви исполнено, со благодарением ко
Господу простирал еси, священномучениче Петре,/
темже с Вышними чины ныне пред лицом Господним
предстоиши/ и со всеми святыми Бога хвалёбными
песнями прославляеши.

Божественныя службы отлучен быв / и скорбми многими истязуемь, / молитвою и богомыслием жажду души твоея утолял еси, отче Пётре, / темже откровение Духа дарова ти словеса богомудрая / ко прославлению первоначальника Соловецкаго, Германа преподобнаго.

Лютою болезнию уязвився / и страдания тяжкая претерпев, присноблаженне, / смертью всехвальною прославил еси Господа. / Темже и Той ублажи ты в Церкви святых, / явлении чудными назнаменовав души твоея святость, / и мощи честныя твоя в поклонение и почитание священное нам милостивно остави.

Богородичен: Паче всех земнородных страдание в любви ко Господу познавшая, / сердце любви исполнено простри нам, Мати Деве, / в печалех наших немощствующим и в борениях изнемогающим, / утеси души наша в тайне промысления Отца, / яко да путем страданий о Христе в любовь Его Божественную внидем / и радости Небесныя ходатайством Твоим неотлучени явимся.

Светилен:

Яко свеща всесветлая, благодать Божия извнутри просвещаше ты, святителю Пётре, / сего ради избран бысть от Бога свидетельствовать о Свете / и просвещати тьму неверия в людех обращением к вере Христовой. / Просвети убо и нашу темность

духовную/ и души, сном лени отягченныя,
пробуди,/ и ко Господу сердца наша обрати.

Слава, и ныне, Богородичен:

Свет откровения языком рождающая, Всесветлая
Богоневесто,/ во свете повелений Божиих ходи нас
настави,/ яко да, добрая творяще в нем,/ славу Отца
Небеснаго умножим в человецех,/ да и Той исполнит
ны/ Божественнаго сияния всепобеждающия Своея
любви.

На хвалитех стихиры, глас 8:

Небеснаго Царствия жителю,/ Божественных благ
сопричастниче,/ Престолу Вышняго предстоиши,
священномучениче Петре,/ о дольном Отечестве
твоём моли, блаженне,/ безчисленными подвижи
святых Его прославленнем./ Твоими бо и тех
молитвами/ чаем лютыя смерти избегнути// и части
избранных Господних сподобитися.

Миру распяся и вся, яже в мире, презре,/ язвы
Господни на теле и в сердце присно носил еси, отче:/
о Христе страдания в радость души твоей
вменяхуся,/ и смерть Его ради безсмертие тебе
сотвори./ Граду Воронежу слава и утверждение быв,
архипастырю,/ Голгофы Русския жертва богоугодна
явился еси, // отсюда же и во обители вечныя душею
возлетел еси.

Егда́ гонѣния отъ безбожныхъ зѣмлю Русскую постигоша / и чрезъ она́я испытание вѣры твоея, священномучениче, прииде, / тогда́ с кафедры архиерейския изгнание / и с паствою твоею разлучение мужественне претерпелъ еси / и письменыи своими лю́ди воронежския / неустанно в любви́ Божией наставляя еси, / от неяже ни скорбь, ни теснота, ни гонѣния, ни глад // никакоже возмо́же тебе́ разлучити.

Праведность души твоея возлюбилъ Господь, / сего́ ради разумъ святъ и подви́гъ крепокъ дарова́ ти, / благодатию и милостию Своею́ выну́ посещая. / Ты же, и во у́захъ сый, / вѣрою и твёрдым уповани́емъ живъ былъ еси, священномучениче, / благовѣстиемъ и жертвою хвалѣния непрестанно́ Бога прославляя, / Иже, совершая́ тя во вся́чемъ дѣле́ бла́зе, / к лику избранныхъ Своихъ причте́ // и славою́ нетленною тебе́ прослави́.

Сла́ва, гласъ 5:

Излия́ся благодать во устна́хъ твоихъ, о́тче Пётре, / ёюже правде́ Божией побѣду содѣловалъ еси, / глаго́лы бо жи́зни вѣчныя даровани́и тебе́ бы́ша откровѣниемъ Христо́вымъ / к разумѣ́нию слы́шавшихъ / и ко спасѣ́нию по словеси́ твоему́ вѣровавшихъ, / к низложѣ́нию сопроти́вныхъ, / не могу́щихъ глаго́ломъ симъ противоста́ти. / Се́ бо Сло́во Божие́ судити́ имать вселѣ́нней в правду: / зло́бе грѣшныхъ запрети́ти

навѣки, // сыновом же мира обетованное Царство даровати.

И ныне, Богородичен, глас тойже:

Утоли болѣзни / многовоздыхающія души моя, /
утолившая всяку слезу от лица земли. / Ты бо
человеком болѣзни отгониши, / и грѣшных скорби
разрушаеши: / Тебѣ бо вси стяжанием надежду и
утверждение, // Пресвятая Мати Дѣво.

НА ЛИТУРГИИ

Блаженны от канона песнь 3-я и 6-я.

Прокимен, глас 7: Честна пред Господом смерть
преподобных Его.

Стих: Что воздам Господеву о всех, яже воздаде
ми?

Апостол к Римляном, зачало 99.

Аллилуия, глас 2: Священницы Твои облечутся в
правду, и преподобнии Твои возрадуются.

Стих: Бог нам прибежище и сила, Помощник в
скорбех, обретших ны зело.

Евангелие от Луки, зачало 106 (гл. 21, ст. 12-19).

Причастен: В память вечную будет праведник:

**[Утверждена Священным Синодом Русской
Православной Церкви 28.12.2017 (журнал № 131).]**

